

## **Terms and Conditions**

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

### Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

### Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100



# Summa

# III. Buch C. III.

der Leuiten zc. schlecht waren / Maheli vnd Musi / Dis sind die geschlecht Leni nach irer Vetter hause.

**D**IS sind die geschlechter von Gerson / Die Libniter vnd Simeiter / Dere Gersoni summa war an der zall funden / sieben tausent vnd fünff hundert / alles was menlich war / eins monden alt vnd drüber. Vnd dasselb geschlecht der Gersoniter sollen sich lagern hinder der Wohnung gegen dem Abend. Ir Oberster sey Eliasaph der son Lael. Vnd sie sollen warten an der Hütten des Stiffts / nemlich / der Wohnung vnd der Hütten vnd irer Decken / vnd des Tuchs in der thür der Hütten des Stiffts / des Umbhangs am Vorhoff / vnd des Tuchs in der thür des Vorhoffs / welcher vmb die Wohnung vnd vmb den Altar her gehet / vnd seiner Seile / vnd alles was zu seinem dienst gehöret.

**D**IS sind die geschlechter von Kahath / Die Amramiten / die Iezehariten Kahath die Hebroniten vnd Osieliten / was menlich war eins monden alt vnd drüber. In der zal acht tausent vnd sechs hundert / die der hut des Heiligthums warten. Vnd sollen sich lagern an die seiten der Wohnung gegen Mittag. Ir Oberster sey Elizaphan der son Osiel. Vnd sie sollen warten der Laden / des Tisches / des Leuchters / des Altars / vnd alles Gerets des Heiligthums / dar an sie dienen / vnd des Tuchs vnd was zu seinem dienst gehört. Aber der Oberst vber alle Obersten der Leuiten sol Eleasar sein / Aarons son des Priesters / vber die verordnet sind zu warten der hut des Heiligthums.

**D**IS sind die geschlechter Merari / die Maheliter vnd Musiter / Die an der Merari zal waren / sechs tausent vnd zwey hundert / alles was menlich war / eins monden alt vnd drüber. Ir Oberster sey Zuriel der son Abihail. Vnd sollen sich lagern an die seiten der Wohnung gegen Mitternacht. Vnd ir Ampt sol sein zu warten der bret vnd rigel / vnd seulen / vnd füsse der Wohnung / vnd alles seins Gerets vnd seins diensts / Dazu der seulen vmb den Vorhof her / mit den füssen vnd negeln vnd seilen.

**A**ber fur der Wohnung vnd fur der Hütten des Stiffts / gegen Morgen sol Alen sich lagern Mose vnd Aaron vnd seine Söne / das sie des Heiligthums warten / vnd der kinder Israel / Wenn sich ein Frembder erzu thut / Der sol sterben. Alle Leuiten in der summa / die Mose vnd Aaron zeleten / nach iren Geschlechten / nach dem wort des HERRN / eitel Menlin eins monden alt vnd drüber / waren zwey vnd zwenzig tausent.

Summa aller Leuiten.

**U**ND der HERR sprach zu Mose / Zele alle Erstgeburth / was menlich ist vnter den kindern Israel / eins monden alt vnd drüber / vnd nim die zal irer namen. Vnd solt die Leuiten mir / dem HERRN / aussondern fur alle Erstgeburth der kinder Israel / vnd der Leuiten vieh fur alle Erstgeburth vnter dem vieh der kinder Israel. Vnd Mose zelet / wie im der HERR geboten hatte / alle Erstgeburth vnter den kindern Israel / Vnd fand sich an der zal der namen aller Erstgeburth was menlich war eins monden alt vnd drüber / in irer summa zwey vnd zwenzig tausent / zwey hundert vnd drey vnd siebenzig.

**U**ND der HERR redet mit Mose / vnd sprach / Nim die Leuiten fur alle Erstgeburth vnter den kindern Israel / vnd das vieh der Leuiten fur ir vieh / das die Leuiten / mein / des HERRN seien. Aber das Lösegeld von den zwey hundert drey vnd siebenzig vberlengen Erstengeburten der kinder Israel / vber der Leuiten zal / soltu ja fünff sekel nemen von heubt zu heubt / nach dem sekel des Heiligthums (Zwenzig Gera gilt ein sekel) vnd solt das selb geld / das vber leng ist vber ire zal / geben Aaron vnd seinen Sönen. Da nam Mose das Lösegeld / das vberlengte war vber der Leuiten zal von den Erstengeburten der kinder Israel tausent drey hundert vnd fünff vnd sechzig sekel / nach dem sekel des Heiligthums / vnd gabs Aaron vnd seinen Sönen / nach dem wort des HERRN / wie der HERR Mose geboten hatte.

Exo. 30.  
Leui. 27.  
Leuch. 45

UND